

嘉慶廬州府志

廬州府志卷四十九

賜進士出身廬州府知府溫陵張祥雲主修

大事志下

祥異

通鑑宋武帝永初三年二月丁丑詔分豫州淮以東爲南豫州治歷陽注義熙九年割揚州大江以西大雷以北悉屬豫州至是以淮西之地爲北豫州治汝南沈約志南豫州領歷陽南譙廬江

南史宋本紀文帝元嘉二十一年春正月己亥南徐南兗南豫州揚州二浙江西並禁酒

通鑑文帝元嘉二十二年六月罷南豫州入豫州

宋書魯爽傳元嘉二十九年五月遣爽秀弟程天祚等步騎

并荊州軍甲士四萬出許洛八月虜長社戍主永平公禿髮
幡乃同棄城走進向大索戍戍主僞豫州刺史跋僕蘭曰爽
勇而無防我今出城必輕來據之設伏檀山必可禽也爽果
夜進秀諫不止馳往繼之比曉虜騎夾發賴秀縱兵力戰虜
乃退

按檀山卽青檀山在今無爲州北四十里

南史沈慶之傳元嘉二十九年廬江叛吏夏侯方進在西陽
五水謹勳羣蠻自淮汝間至江沔咸罹其患遣慶之督諸將
討之

冊府元龜孝武帝孝建元年四月魯爽舉兵使弟瑜率三千
人據小峴爽尋以大衆阻大峴

冊府元龜薛安都世祖建武初爲輔國將軍時豫州刺史魯爽反安都與副將譚金追爽于小峴爽自與腹心壯騎斷後譚金先薄之不能入

通鑑孝武帝孝建元年夏四月上遣左軍將軍薛安都龍驤將軍南陽宗越等戍歷陽與魯爽前鋒楊胡興等戰斬之爽不能進畱軍大峴使魯瑜屯小峴上復遣鎮軍將軍沈慶之濟江督諸將討爽爽食少引兵稍退自畱斷後慶之使薛安都帥輕騎追之及爽于小峴爽將戰飲酒過醉安都望見爽卽躍馬大呼直往刺之應手而倒瑜亦爲部下所殺

通鑑大明五年九月移南豫州治于湖

南史宋本紀孝武帝大明七年二月甲寅車駕巡南豫南克

二州十一月丙子曲赦南豫州殊死以下

通鑑宋明帝泰始二年二月山陽王休祐在歷陽輔國將軍

劉勳進軍小岷殷琰所署南汝陰太守裴季之以合肥來降

注沈約曰江左置南汝陰郡所治卽合肥縣 三月壬子鄧

琬遣其豫州刺史劉胡帥衆三萬鐵騎二千東屯鵠尾遣孫

冲之帥薛常寶等萬人爲前鋒據赭圻子助乃以陶亮統五

州兵合二萬人俱下亮不敢進屯軍鵠洲休仁遣江方興等

赴赭圻帥諸軍進戰大破前軍詔以沈攸之督前鋒陶亮大

懼召冲之還鵠尾 五月甲寅張永蕭道成等與薛素兒戰

大破之薛安都子道智走向合肥詣裴季之降 鄧琬以劉

胡與沈攸之等相持久不決乃加袁顛督征討諸軍事六月

袁顛帥樓船千艘戰士二萬來入鵲尾秋七月辛丑劉胡遣
韓國將軍薛道標襲合肥殺汝陰太守裴季之 冬十月乙
卯劉劭圍壽陽垣閔攻合肥俱未下劭患之召諸將會議馬
隊王王廣之曰得將軍所乘馬判能平合肥劭卽推牽下馬
與之廣之往攻合肥三日克之薛道標突圍奔淮西

冊府元龜宋沈攸之爲冠軍將軍討晉安王子勛于鵲尾攸
之繕治船舸材版不周計無所出會子勛將鄧琬送五千片
榜供其將劉胡軍用俄而風潮奔迅榜後山出江湖等力不
制自撞船艦殺沒數十人赴流而下來泊攸之等營於是材
版大足此條疑
有譌字

南史鄧琬傳琬遣豫州刺史劉胡屯鵲尾胡宿將沈攸之等

甚憚之胡鄉人蔡那校長生張敬兒各領軍隸攸之在赭圻胡因與那等共語那等說令歸順胡回軍入鵠尾

南齊書劉懷珍傳泰始初除寧朔將軍率龍驤將軍王敬則姜產步騎五千討壽陽廬江太守王仲子南奔賊遣僞廬江太守劉道蔚五千人屯建武潤築三城懷珍遣軍主段僧愛等馬步三百餘人掩擊斬之

南史宋明帝紀泰始三年春正月癸卯曲赦豫南豫二州

四年夏四月丙申改封東海王禕爲廬江王五年二月丙申以廬江王禕爲車騎將軍開府儀同三司南豫州刺史

宋書州郡志泰豫元年以南汝陰度屬豫州豫州之廬江度

屬南豫州

通鑑宋昇明二年北魏寇淮淝齊以左將軍劉懷珍屯巢湖
禦之

宋書州志南汝陰太守江左立汝陰令所治卽二漢晉合
肥縣後省慎令漢屬汝南太康地理志屬汝陰晉熙太守晉
安帝分廬江立安豐太守魏文帝分廬江立

南史齊高帝本紀建元二年春正月癸巳遣大使巡慰淮肥
豫邊人尤貧邁難者

府元龜梁王國珍仕齊爲南譙太守治有能名時郡境苦
乃發米散財以賑窮乏齊高帝手勅云卿愛人治國甚副
意也

冊府元龜永明十一年七月下詔曰水旱爲災實傷農稼江

淮之間倉廩既虛遂草竊充斥互相侵奪依阻山湖成此逋
逃曲赦南北克豫司徐五州南豫州之歷陽譙臨江廬江四
郡三調衆逋宿債竝同原除

冊府元龜陸騰爲江州刺史明帝初合州民張喻兄弟反攻
沒郡縣騰率兵討之

魏書世宗紀景明二年五月揚州小峴戍主黨法宗襲蕭衍
大峴戍主破之擒其龍驤將軍郗菩薩送之京師三年六月
辛丑衍將陷小峴戍

冊府元龜宣武初南齊裴叔業以壽春內附使王肅與彭城
王勰率步騎十萬以赴之齊豫州刺史蕭懿率衆三萬屯于
小峴交州刺史李叔獻屯合肥將圍壽春肅進師討擊大破

之進討合肥生擒叔獻蕭懿棄小岷南走

冊府元龜傳豎眼宣武時爲建威將軍討揚州賊破之仍鎮于合肥齊民歸之者千戶

北史王世弼傳仕齊爲軍主助成壽春遂與裴叔業同謀歸誠除南徐州刺史封慎縣伯

南齊書州郡志永明二年割揚州宣城淮南豫州歷陽譙廬江臨江六郡置南豫州四年冠軍長史沈憲啟廬江居晉熙汝陰之中屬南豫求還西豫七年南豫州別駕殷灞稱廬江屬南豫濱帶長江與南譙接境民黎租帛從流送州實爲便利達踰西豫非其所願郡領濳舒及始新左縣村竹產府州採伐爲益不少府州新創異于舊藩資役多闕實希得廬江

請依昔分置詔可

按南豫州在今蕪湖西豫州在今潁上晉熙今懷寧汝陰今合肥以北

梁書武帝本紀齊和帝二年二月丙戌進梁公爵爲王以豫州之南譙廬江江州之尋陽郢州之武昌西陽南徐州之南琅邪南東海晉陵揚州之臨海永嘉十郡益梁國

馮道根傳天監二年魏分兵於大小岷東桑等連城相持魏將高祖珍以三千騎軍其間道根率百騎橫擊破之諸軍乃退韋叡圍合肥克之道根與諸軍竝進所在有功

通鑑天監三年庚戌征虜將軍趙祖悅與魏江州刺史陳伯之戰于東關祖悅敗績

梁書韋叡傳天監四年王師北伐詔叡都督衆軍叡遣長史王超宗梁郡太守馮道根攻魏小岷城未能拔叡巡行圍備魏城中忽出數百人陳於門外叡欲擊之諸將皆曰向本輕來未有戰備徐還授甲乃可進耳叡曰不然魏城中二千餘人閤門堅守足以自保無故出人於外必其驍勇者也若能挫之其城自拔衆皆猶遲疑叡指其節曰朝廷授此非以爲飾韋叡之法不可犯也乃進兵士皆殊死戰魏軍果敗走因急攻之中宿而城拔遂進討合肥先是右軍司馬胡略等至合肥久未能下叡按行山川曰吾聞汾水可以灌平陽絳水可以灌安邑卽此是也乃堰肥水親自夜率頃之堰成水通舟艦繼至魏初分築東西小城夾合肥叡先攻二城旣而魏

援將揚靈允帥軍五萬奄至衆懼不敵請表益兵胤笑曰賊已至城下方復求軍臨難鑄兵豈及馬腹且吾求濟師彼亦徵衆猶如吳益巴邱蜀增白帝耳師克在和不在衆古之義也因與戰破之軍人少安初肥水堰立使軍主王懷靜築城於岸守之魏攻陷懷靜城千餘人皆沒魏人乘勝至胤隄下其勢甚盛軍監潘靈祐勸胤退還巢湖諸將又請走保三義胤怒曰寧有此耶將軍死綬有前無卻因令取繳扇麾幢樹之隄下示無動志胤素羸每戰未嘗騎馬以版輿自載督勵衆軍魏兵來鑿隄胤親與爭之魏軍少卻因築壘於隄以自固胤起鬪艦高與合肥城等四面臨之魏人計窮相與悲哭胤攻具旣成堰水又滿魏救兵無所用魏守將杜元倫登城

督戰中弩死城遂潰俘獲萬餘級牛馬萬數絹滿十間屋悉充軍賞

冊府元龜薛真度景明中爲平南將軍時梁豫州刺史王超宗率衆圍逼小峴真度遣兼統軍李叔仁等率步騎擊之超宗逆來拒戰叔仁擊破之俘斬三千

冊府元龜任城王澄宣武時爲鎮南大將軍揚州刺史表曰蕭衍頻斷東關欲令巢湖汎溢周回四百餘里東關合江之際廣不過數十步若賊計得成大湖傾注者則淮南諸戍必同晉陽之事矣

冊府元龜後魏夏侯道遷初仕南齊爲南譙太守歸國爲驍騎將軍戍合肥道遷棄戍南叛

梁書裴邃傳天監初以邃爲輔國將軍廬江太守時魏將呂頗率軍五萬奄來攻郡邃率麾下拒破之加右軍將軍

通鑑注天監五年徙豫州治合肥

冊府元龜裴邃天監五年以右將軍廬江太守征邵陽洲大破之進尅平石城斬城主元康義又破霍邱城斬城主甯永仁平小峴攻合肥封夷陵縣子普通二年除豫州刺史

冊府元龜宣義將軍鎮合肥居身方正有爲重將吏憚之少敢犯法

梁書夏侯亶傳普通六年大舉北伐先遣豫州刺史裴邃帥譙州刺史湛僧智歷陽太守明紹世南譙太守魚宏晉熙太守張澄並世之驍將自南道伐壽陽城未克而邃卒乃加亶

使持節馳驛代遂與魏將河間王元琛臨海王元彧等相拒
頓戰克捷尋有密勅班師合肥以休士馬七年詔以壽陽依
前代置豫州合肥鎮改爲南豫州以直爲使持節都督豫州
緣淮南豫霍義定五州諸軍事雲麾將軍豫南豫二州刺史
冊府元龜楊侃爲長孫稚揚州錄事叅軍梁豫州刺史裴邃
治合肥城規相掩襲密購壽春郭人李瓜花袁建等令爲內
應遂已募勒兵士有期日矣而慮壽春疑覺遂謬移云魏始
於馬頭置戍如聞復欲修白捺舊城若爾便稍相侵逼此亦
須營歐陽設交境之備今版卒已集唯聽信還白捺佐寮咸
欲以實答之云無修白捺意而侃曰白捺小城本非形勝蓬
好小黠令集兵遣移虛構是言得無有別圖也稚深悟之乃

云錄事可造移報侃曰彼之募兵想別有意何爲妄搆白捺也他人有心予忖度之勿謂秦無人也遂得移謂已知覺便爾散兵瓜花等以期契不會便相告發伏辜者十餘家

冊府元龜鄭紹叔爲衛尉卿冠軍將軍時魏軍圍合肥紹叔以本號督衆軍鎮東關事平復爲衛尉移鎮關南

梁武帝本紀普通七年以壽陽置豫州合肥改爲南豫州

太清元年詔曰二豫分置其來久矣今汝穎尅定可依前代故事以懸瓠爲豫州壽春爲南豫改合肥爲合州

通鑑太清元年春正月乙卯以侯景爲南豫州牧本官如故更以鄱陽王範爲合州刺史鎮合肥梁書鄱陽王範傳時侯景已蓄姦謀將圖不軌累啟景有異志朱异每抑而不言

通鑑太清元年八月詔以合州刺史鄱陽王範爲南道都督
九月癸未景詐稱遊獵出壽陽人不知覺 冬十月庚寅
景揚聲趣合肥而竇襲譙州注譙州非渦陽之譙州其地當
在唐廬和二州之間

通鑑太清三年六月鄱陽王範問建康不守戒嚴欲入僚佐
或說之曰今魏人已據壽陽大王移足則虜騎必窺合肥前
賊未平後城失守將若之何不如待四方兵集使良將將精
卒赴之進不失勤王退可固本根範乃止會東魏大將軍澄
遣西兗州刺史李伯穆逼合肥範帥戰士二萬出東關以合
州輸伯穆範屯濡須以待上游之軍遣世子嗣將千餘人守
安樂柵魏書自序文襄勅收以書喻範範得書乃率部伍西

上刺史崔聖念入據其城文襄謂收曰今定一州卿有其力
梁書鄴陽王恢傳範請兵於魏遣二子爲質魏人據合肥竟
不出師救範

通鑑承聖元年正月齊人屢侵侯景邊地甲戌景遣郭元建
帥步軍趨小峴侯子鑿帥舟師向濡須己卯至合肥侯景傳
景二年正月遣郭元建率步軍趣小峴侯子鑿率舟師向濡
須曜兵肥水以示武成子鑿至合肥攻羅城克之俄聞王師
旣近燒合肥百姓邑居引軍退

陳書韋載傳侯景之亂魯悉達樊俊等各擁兵保境親望成
敗元帝以載爲假節都督太原高唐新蔡三郡諸軍事仍銜
命喻悉達等令出軍討景及大軍東下載率三郡兵自焦湖

出柵口與王僧辯會於梁山

陳書荀朗傳侯景之亂朗招率徒旅據巢湖間無所屬臺城陷後簡文帝密詔授朗雲麾將軍豫州刺史令與外藩討景侯景敗於巴陵朗出濡須截景破其後軍侯景平後又敗齊將郭元建於踞躡山

按踞躡山卽昭五年左傳所稱坻箕之山在巢縣

北史暴顯傳遷北徐州刺史天保中以贓貨解州大理禁止處判未訖爲合肥被圍遣顯與步大汗薩等攻梁徐州禽其刺史王疆

冊府元龜上黨王渙以文宣六年率衆送梁王蕭明還江南仍破東關斬梁時進裴之橫等威名甚盛

冊府元龜徐度梁元帝時爲寧朔將軍合州刺史侯景之亂
每戰有功加通直散騎常侍封廣德縣侯邑五百戶遷散騎
常侍

陳書周鐵虎傳時有肝胎馬明字世朗梁世事鄱陽嗣王蕭
範侯景之亂據廬江之東界拒賊臨城柵元帝撥散騎常侍
平北將軍北兗州刺史領廬江太守

冊府元龜孝元帝承聖二年九月西魏遣郭元建治舟師于
合肥

陳書侯瑱傳承聖二年齊遣郭元建出自濡須王僧辯遣瑱
領甲士三千築壘於東關以扞之大敗元建

敬帝紀太平元年齊遣大將蕭軌出柵口向梁山司空陳霸

先軍主黃敢逆擊大破之

通鑑梁敬帝紹泰元年周迪出東興誘陳南豫州刺史周敷殺之

玉海梁雍州下澁戍夏口白苟堆破石城合州卽合鍾離淮

陰胸山爲重鎮

北齊書封子繪傳天保七年授合州刺史到州未幾值蕭軌裴英起等江東敗沒行臺司馬恭發歷陽徑還壽春驪場大駭兼在州器械隨軍略盡城隍樓雉虧壞者多子繪乃修造城隍樓雉繕治軍器守禦所須畢備人情漸安尋勅於州營造船艦子繪爲大使總監之陳武帝曾遣其護軍將軍徐度等率輕舟從柵口歷東關入巢湖徑襲合肥規燒船舫以夜

一更潛寇城下子繪率將士格戰陳人奔退

陳書侯瑱傳侯瑱爲都督西討諸軍事瑱於梁山與王琳相持百餘日未決元嘉元年二月東關春水稍長舟艦得通王琳亦引合肥巢湖之衆舳艫相次而下其勢甚盛瑱率軍進獸檻州琳亦出船列於江西隔州而泊明日合戰琳軍少卻退保西岸及夕東北風大起吹其舟艦竝壞沒於沙中溺死者數十百人琳入浦以鹿角繞岸不敢復出

冊府元龜王琳在梁爲湘州刺史及爲陳將所敗入齊齊孝昭帝遣琳出合肥鳩集義故更圖進取琳乃繕戰艦分遣招募淮南徐楚皆願戮力

冊府元龜黃法氈爲南豫州刺史大興北伐以法氈爲都督

出歷陽齊遣其歷陽王步騎五萬來援於小峴築城法苑遣
左衛將軍樊毅分兵於大峴禦之大破齊軍進兵合肥望旗
降款

陳書宣帝紀大建五年北伐四月癸卯前巴州刺史魯廣達
克齊大峴城五月甲戌徐粲克廬江郡丙戌廬陵內史任忠
軍次東關克其東西二城進克蕪城戊子又克譙郡城六月
乙巳任忠克合州外城癸卯黃法苑克合州城冬十月以黃
法苑爲征西大將軍合州刺史

大建六年四月割合州之南梁郡隸入譙州

大建七年春三月辛未詔豫二兗譙徐合霍南司定九州及
南豫江郢所部在江北諸郡置雲旗義士在大軍及諸鎮備

防

大建十年十二月乙亥合州廬江蠻田伯興出寇樅陽刺史魯廣達討平之

大建十一年十一月甲午周遣柱國梁士彥率衆至肥口丙午新除仁威將軍右衛將軍魯廣達率衆入淮是日樊毅領水軍二萬自東關入焦湖戊申豫州陷辛亥霍州又陷十二月乙丑南北兗晉三州及盱眙山陽陽平馬頭歷陽沛北譙南梁等九州竝自拔自是淮南之地盡沒於周

周書宗元饒傳時合州刺史陳哀賊汙狼藉遣使就渚斂魚又於六郡乞米百姓苦之元饒劾奏曰謹案鍾陵縣開國侯合州刺史臣哀因薪多幸預逢抽擢倚由恩被官以私加無

德無功坐尸榮貴譙肥之地从淪非所云云臣等叅議請依旨免哀所應復除官其應禁錮及後選左降本資悉依免官之法遂可其奏

隋書文帝本紀開皇八年冬十月甲子令晉王廣秦王俊清河公楊素竝爲行軍元帥以伐陳於是晉王出六合秦王出襄陽清河公楊素出信州新義公韓擒出廬江

冊府元龜韓擒虎開皇中爲廬州總管委以平陳之任甚爲敵人所憚

隋書煬帝本紀大業十二年冬十二月壬辰鄱陽人林士宏自稱皇帝國號楚建元太平攻陷九江廬江郡

大業十三年三月戊午廬江人張子路舉兵反遣右禦衛將

軍陳稜討平之丁丑賊帥李通德衆十萬寇廬江左屯衛將軍張鎮州擊破之

地理志廬江郡梁置南豫州又改爲合州開皇初改爲廬州合肥縣梁曰汝陰置汝陰郡後齊分置北陳郡開皇初郡廢縣改名焉廬江縣齊置廬江郡梁置湘州後齊州廢開皇初郡廢襄安縣梁曰新開皇初改焉

恭帝本紀義寧元年十二月乙巳賊帥張善安陷廬江郡冊府元龜唐武德四年六月遣趙郡王孝恭率巴蜀兵沿流下廬江以圖蕭銑十月尅之

冊府元龜唐貞觀十七年閏六月潭濠廬三州疾疫遣醫療焉十八年自春及夏廬濠巴普郴疾疫遣醫往療

冊府元龜唐中宗神龍二年十二月贈廬州刺史朱敬則秘書監襄異行也敬則亳州人嘗與三從兄同居四十餘年財物無異

唐書朱敬則傳出爲鄭州刺史改廬州代還無淮南一物所乘止一馬子曹步從以歸

方鎮表至德元載置淮南節度使領揚楚滁和壽廬舒光斬安黃申沔十二州治揚州 興元元年淮南節度罷領壽廬濠三州升壽州團練使爲都團練觀察使領壽濠廬三州 四年淮南節度復領廬壽二州 十六年置舒廬滁和四州都團練使隸淮南節度

冊府元龜唐德宗貞元六年八月河南河北山南江淮凡四

十餘州大水遣京兆少尹韋武往揚楚廬壽徐潤蘇常湖等州宣撫應諸州百姓因水不能自存者委宣撫使振給

冊府元龜貞元八年八月令京兆少尹韋武往揚楚廬壽徐等州宣撫詔曰諸州百姓因水不能自存者委宣撫使賑給死者各加賜物所在官爲斂收埋瘞其田苗所損委宣撫使與所在長吏具奏於戲一夫不獲一物失所刑罰不中賦斂不均皆可以失陰陽之和致水旱之沴其繫囚及獄訟久未決者委所在長吏卽與疏辨務從寬簡俾仲冤滯貪官暴吏倚法害公特加懲肅用明典憲災傷之後切在撫綏咨爾方鎮之臣泊於守宰咸宜悉乃心力以恤國災宣布朕懷使各

知悉

唐書羅珣傳擢廬州刺史民閒病者捨醫藥禱淫祠下令止之修學宮政教簡易有芝草白雀淮南節度使杜佑上治狀賜金紫服

韋虛心傳荊州有鄉豪負勢干法籍其貲入之官以廬江多盜遂縣舒城盜賊爲衰

冊府元龜張建封爲壽廬等三州都團練使時李希烈選兇黨精悍者率勁兵以討建封累月竟不能克遂退

唐書李翱傳爲廬州刺史時州旱遂疫逋捐繫路亡籍口四萬權豪賤市田屋牟厚利而寡戶仍輸賦翱下教使以田占租無得隱收豪室稅萬二千緡貧弱以安

冊府元龜唐開成三年十一月甲戌戶部侍郎李珣奏廬州

舒城縣太平鄉百姓徐行周叔伯兄弟五代同居請免其同籍戶稅從之

黃巢傳乾符二年賊分奇兵圍舒擊廬壽光等州

通鑑唐咸通九年桂州戍卒作亂推糧料判官龐勛爲主分遣其將丁從實各將數千人南寇舒廬破巢縣

唐書天祐元年廢舒廬滁和四州團練使置光州防禦使

冊府元龜黃文靖爲諸軍指揮使太祖平定巢蔡克鄆皆有功天祐二年春命佐楊師厚深入淮甸赴壽春侵廬江

唐書地理志淮南道其名山瀉天柱羅塗八公其大川滁肥巢湖厥賦絺絹綿布厥貢絲布紵葛廬州廬江郡上土貢花紗交梭絲布茶蠟酥鹿脯生石斛戶四萬三千三百二十三

口二十萬五千二百九十六縣五合肥緊慎梁巢上本襄安
武德三年置巢州并析置開成扶陽二縣七年州廢省開成
扶陽以巢來屬東南四十里有故東關廬江緊有擣山白茅
山有銅舒城上開元二十三年析合肥廬江置

唐書地理志太宗因山川形便分天下爲十道七日淮南道
通鑑五代乾化三年以王景仁爲淮南西北行營招討應接
使將兵萬餘侵廬州吳鎮海節度使徐溫平廬節度使朱瑾
帥諸將拒之梁兵退

唐書楊行密傳秦宗權寇廬壽開刺史募殺賊差首級爲賞
行密以功補隊長自爲八營都知兵馬使淮南節度高駢因
表爲廬州刺史駢將呂用之恐行密不可制遣俞公楚以兵

五千屯合肥名討黃巢而陰圖之行密擊殺公楚秦宗權遣弟度淮取舒城行密破走之光啟二年張敖遣將魏虔攻廬州大將李神福曰顛破之蔡儔爲孫儒所破以廬州降蔡儔以廬州叛附朱全忠納孫儒將張顛而倪章據舒州與儔連和行密遣李神福攻儔破其將儔堅壁不出顛超堞降

冊府元龜唐人權懷恩爲合州刺史所歷皆以威名御下人吏重足而立

冊府元龜尹重筠者郢州刺史寔之子也隱帝乾祐二年寔上章謝釋男重筠之罪寔於汝州梁縣有別業所供稅賦大而恃郡侯家不時輸送梁縣令羅延賞管其知莊吏會重筠

至以答莊吏爲飛無以報怨自朝廷以誣告殺李崧後几僕使輩皆相倣流言脇主以告事爲詞而稍涉迹危者姑息不暇重筠乃詐爲延賞與李守貞書言欲殺刺史據汝州應接守貞封書偽遺于途吏得之送刺史石公霸明之延賞幾遭陷害

王景仁傳末帝以景仁爲淮南招討使使攻廬壽

冊府元龜五代周太祖廣順六年正月命廬州開倉出陳麥以糶之蓋克復之後民多阻饑故廉共傾以惠之也

按廣順無六年疑誤

冊府元龜顯德元年十一月以宰臣李穀爲淮南道行營都部署知廬壽州行府事

冊府元龜周世宗顯德三年二月朗州刺史王進達上言領
兵攻下淮南長山砦攻殺賊軍三千餘三月鐵騎右廂都指
揮使高懷德上言殺廬州賊軍七百餘眾於其城下 七月
廬州行營都部署劉重進上言敗淮賊千五百人於廬州
五代史職方考廬州周世宗克淮南置保信軍

南唐世家世宗屯於渦口欲再幸揚州宰相范質以師老泣
諫乃班師以李重進攻廬壽

南唐世家交泰元年楊泰滁和壽濠泗楚光海等州已爲周
得景遂獻廬舒斯黃畫江以爲界

宋元通鑑太平興國七年二月乙酉特賞廬州管內通米一
萬七千二百四十石

宋史楊允恭傳巢廬江二縣舊隸廬州道遠多寇民輸勞費允恭請以二縣建軍詔許之

宋元通鑑端拱二年又十月廬州妖尼道安誣訟徐鉉道安當反坐板大理寺王禹偁抗疏雪鉉請論道安罪坐貶商州團練副使

宋史劉筠傳以右諫議知廬江筠素愛廬江遂築室城中構閣藏前後所賜書帝飛白書曰真宗聖文秘書奉之閣

朱服傳元豐中知泉蔘寧廬壽五州廬人饑守便宜振護全活十餘萬口明年大疫又課醫持善藥分拯之賴以安者甚眾

胡舜陟傳

大觀三年進士

知廬州時淮西盜賊充斥廬人震恐日具

舟楫爲南渡計舜陟至修城治戰具人心始安冀州雲騎卒
孫琪聚兵爲盜號一海鍛至廬舜陟乘城拒守琪邀資糧舜
陟不與乃時出兵擊其抄掠者琪宵遁舜陟伏兵邀擊得其
輜重而歸

李彥穎傳高宗二年以湯邦彥爲中議國信使且命福建造
海船起兩淮民兵赴合肥訓練彥穎言兩淮州縣去合肥遠
者千餘里近亦二三百里令民戶三丁起其二限三月而罷
事未集民先失業矣今不得已令三百里內家起一丁詣合
肥三百里外就州縣訓習日增給米錢限一月罷庶不大擾
從之

金安節傳楊存中議省江淮州縣安節言廬之合肥和之濡

須

含山西南

皆昔人控扼孔道魏明帝云先帝東置合肥南守襄

陽西固祁山賊來輒破於三城之下孫權築濡須塢魏軍屢

次不克守將如甘寧等常以寡制眾蓋形勢之地攻守百倍

豈有昔人得之成功今日有之而反棄之耶且濡須巢湖之

水上接店步下接江口可通漕舟乞擇將經理存中議遂格

玉海建炎三年七月以胡舜陟爲淮西制置使

注淮東揚淮西廬

宋史高宗本紀建炎三年十一月金人犯廬州守臣李會以

城降四年淮西敗將崔增陷焦湖水砦

食貨志建炎四年貸廬州民錢萬緡以買耕牛

兵志建炎後諸軍駐大軍淮西廬州彊勇前軍彊勇右軍武

定遊奕忠義雄飛全年諸軍淮西無爲巢縣池司右軍

金本紀太宗八年四月阿魯補及宋戰於柘臯勝之阿魯補
僭廬州叛以偏師討之敗其騎六千擒三校明日復破敵二
萬於慎縣斬首五百張永合步騎數萬來戰阿魯補兵止二
千敵圍之阿魯補力戰竟敗之追殺四十里獲馬三百而還
再攻廬州與迪古不敗敵萬眾於柘臯至廬州騎兵五百出
戰敗之斬其二校

宋史高宗本紀紹興元年劉豫遣將王世冲寇廬州守臣王
亨大破之斬世冲二年十二月巨帥古引兵入廬州執王
亨送行在

玉海紹興二年七月無爲軍守臣王彥恢言大江以南欲控
扼非戰艦不可制飛虎戰艦傍設四輪每輪八楫四人旋斡

日行千里又有神武戰車比之蒙衝偏箱鹿角此尤至要詔就本軍措置

宋史高宗本紀紹興三年二月王全犯廬州三月命統制巨師古部兵萬人屯揚州胡舜陟至廬州王全降統制名世達及林湛合兵大破湖賊於龍陽州是月王彥先引兵至北壽春將渡淮遣鄧瓊駐無爲軍爲廬濠聲援賊乃還

四年十二月金齊兵逼廬州仇念嬰城固守岳飛所遣統制徐慶牛皐援兵適至敗走之劉光世亦遣統制靳寔戰於慎縣

仇念傳以淮西宣撫知廬州劉豫子麟合金兵大入民情洵懼宣撫司統制張琦者冀乘危爲亂驅居民越江南走欲先

脅愈出擁甲士數千突入露刃登樓揚白麾左右驚潰迫愈上馬愈徐謂曰若輩無守土責吾當以死徇國寇未至而逃人何賴焉堅不爲動琦等錯愕遽散其徒人心遂定愈募廬壽兵得數百益鄉兵二千出奇直抵壽春敵三戰皆北卻走葢淮其後麟復以步騎數千至合肥謀言元末爲之殿人心怖駭不知所爲會牛皐統兵適至愈以忠義感之皐素勇甚以二千餘騎馳出短兵相接所向披靡敵遂自潰初宣撫司旣不以一卒援諸郡但令焚積棄城退保愈謂殘破之餘兵食不給誠不能支敵然帥臣任一路之責誓當死守今若委城使金人有淮西治兵艦於巢湖必貽朝廷憂後雖其言卒以全活數州之眾

宋史張運傳紹興五年運判鼎州移貳濡須金人犯廬壽等
州大將駢兵淮濡須以拒之運給餉未嘗乏絕

宋史王萬傳論用兵謂淮東可精兵三萬光黃可二萬東西
夾擊而沿江制司會合肥兵共二萬以牽制其中行則結營
陳止則依城壘行則齎餼糧止則就食州縣又謂戎司舊分
地戍守殿步兵戍真揚六合鎮江兵戍揚楚盱眙建康馬司
兵戍滁濠定遠都統司兵戍廬和安豐以至池司兵戍舒蘄
巢縣江司兵戍蘄黃浮光地勢皆順以統制部之出外而皆
有帥臣居內以本軍財賦葺營柵撫士卒備器械以故軍事
常整齊

高宗本紀紹興五年進廬泰二州守禦官屬各一官六月張

浚渡江撫淮上諸屯命劉光世自當塗進屯廬州

紹興六年九月劉豫起兵三十萬命子麟趣合肥姪猊出渦口引兵分道入寇十二月詔降廬光濠等州死罪釋流以下

四

紹興七年八月乙未以楊沂中爲淮西制置使主管侍衛馬軍司劉錡副之竝駐廬州鄧瓊率兵赴行在戊戌鄧瓊叛

宋史張浚傳劉麟逼合肥張俊請益兵劉光世欲退師趙鼎及簽書折彥質欲召岳飛兵東下御書付浚浚令光世楊沂中等還保江浚奏俊等渡江則無淮南而長江之險與敵共矣詔書從之沂中兵抵濠州光世舍廬州而淮南西洶動浚聞疾馳至采石令其眾曰有一人渡江者斬光世復駐軍與

沂中接劉貌攻沂中沂中大破之。劉光世在淮西軍無紀律。浚奏罷光世以其兵屬督府。命參謀兵部尚書呂祉往廬州節制。而樞密院以督府督兵爲嫌。乃以王德爲都統制。卽軍中取鄺瓊副之。浚奏其不當。瓊亦與德有宿怨。列狀訴。乃命浚爲宣撫使。楊沂中劉錡爲制置判官。以撫之。未至瓊等舉兵叛。執呂祉以歸劉豫。

紹興七年八月辛丑。手詔赦廬州屯駐行營左護軍壬寅。鄺瓊引兵至淮。殺呂祉。及趙康直。釋趙不羣。使還劉錡。吳錫至廬州。以兵追之不及。

紹興七年九月丁卯。韓世忠張俊入見。乃命俊自盱眙移屯廬州。戊寅。以廬州壽春府民遭鄺瓊虜掠。蠲租稅一年。戊子。

以劉琦知廬州兼淮西制置副使

紹興八年五月己酉王庶至淮南檄張宗顏將兵七千屯廬州乙亥以中軍統制張宗顏知廬州命劉琦率兵移屯鎮江府

宋史李顯忠傳兀朮犯合肥手詔以軍與張俊會顯忠至孔城鎮與敵戰敗之兀朮謂韓常曰李世勣歸宋不會立功

忠會

奔夏國後歸宋

此人敢勇宜且避之乃焚廬江而去

顯忠初名世勣

宋高宗本紀紹興十一年正月金人度進乙丑劉琦至廬州還丙寅兀朮陷廬州二月己卯統制副師古李橫擊敗於巢縣復之二月癸未劉琦自東關擊敗金人於青谿李顯忠遣統制崔臯擊敗金人於舒城縣丁亥楊沂中劉琦等大敗兀

木軍於柘臯己丑兀朮親率兵逆戰於店步沂中等又敗之
乘勝逐北遂復廬州

玉海廬州制置副使安撫使九郡強勇軍都統制合肥爲淮
西根本一道都會地大以要江北脣齒淮右襟喉

楊存中傳紹興十一年兀朮恥順昌之敗復謀來侵詔大合
于淮西以待之於是存中以殿司兵三萬卒戍淮與金人戰
于柘臯敗之時金人以拐子馬襲進存中奮擊大敗之

劉錡傳金人攻廬和二州自太平渡江抵廬州與張俊楊沂
中會而敵已大至錡據東關之險以遏其衝引兵出清溪兩
戰皆勝乃至柘臯與金人夾石梁河而陣河通巢湖廣二丈
錡命曳薪疊橋須臾而成遣甲士數隊沿橋臥槍而坐會沂

中王德田師中張子蓋之軍俱至德率眾鏖戰沂中以萬兵各持長斧奮擊之敵大敗鎡與德追之又敗于東山

王德傳十一年金人自合肥入侵游騎及江張俊議分軍守南岸德曰淮北江之蔽也棄淮不守是謂唇亡齒寒卽渡采石俊督軍繼之夜拔和州晨迎俊入敵退保昭關又擊走之追至柘臯與金人夾河而軍諸將帥皆集惟張俊後至統制田師中欲待之德怒曰事當機會復何待徑上馬兀木以鐵騎十餘萬夾道而進德曰敵右陣堅我當先擊之麾軍渡橋首犯其鋒一酋被甲躍馬始出德引弓一發而斃乘勝大呼令萬兵持長斧如牆而進敵大敗退屯紫金山

冊府元龜紹興十一年諸將罷兵五月辛丑置三總領胡紉

淮東吳彥璋淮西乾道六年四月併淮東于淮西七年復舊
高宗本紀紹興十五年五月蠲廬光二州上供錢米一年

紹興二十七年十一月蠲廬州二稅及上供錢米一年

宋史葉衡傳合肥浙湖有圩田四十里衡奏募民以耕歲可
得穀數十萬蠲租稅二三年後阡陌成做營田官私各收其
半從之

紹興三十一年十月王權聞金兵大至自廬州引兵遁昭關
已西知廬州龔濤聞金兵將至棄城走癸丑金人圍廬州都
監權州事楊椿率兵突陣出守水砦甲寅金主亮以大軍至
廬州城北之五里築土城以居丙辰金主亮入廬州 十一
月壬申金人游騎至無爲軍守臣韓髦棄城走甲戌池州統

制官崔定等復入無爲軍十二月楊椿夜攻金人殺其帥高
定山復廬州

金史宗弼傳天眷三年宗弼還軍進伐淮南克廬州

王伯龍傳天輔六年破王善之眾于巢縣取廬州

烏延胡里改傳天會八年金攻廬州至柘臯鎮胡里改領甲
士三十爲前鋒執宋所遣持書與劉四廂鎗者七人

廢帝紀正隆六年九月上自將三十二總管伐宋丁未大軍
渡淮將至廬州獲白鹿以爲武王白魚之兆敗宋兵于巢縣
斬二百級

阿鄰傳天德二年海陵南伐以爲神勇武平等軍都總管十
月至廬州與宋將王權軍十餘萬戰于柘臯鎮洧子橋敗之

玉海紹興司封格防禦州自琅邪以下凡三十五軍事州自
淄至滁凡百有七淮西軍二無爲安豐

宋史食貨志乾道八年罷廬州屯田

孝宗本紀隆興二年十一月詔臺諫侍從兩省官舉楚廬滁
濠四州守臣

隆興三年詔蠲光濠廬三州壽春府賦一年

隆興四年十一月遣知無爲軍徐子寅措置楚州官田招集
歸正忠義人以耕

隆興五年三月詔趣修廬和二州城

隆興六年正月以奉國軍承宣使知廬州郭振爲武泰軍節
度使

薛季宣傳宰相虞允文令行淮西收流民以實邊季宣爲表廢田相原隲復合肥三十六圩立二十二莊於黃州故治東且以戶授屋以丁授田頒牛及田器穀種各有差廩其家至秋乃止凡爲戶六百八十有五分處合肥黃州竝邊歸正者振業之季宣謂人曰吾非爲今日利也合肥之圩邊有警因以斷柵江保巢湖黃州地值蔡衝諸莊輯則西道有屏蔽矣及入見言曰日城淮郡以臣所見合肥版幹方立中使督視卒卒成之臣行過郡一夕風雨墮樓五堵溧陽南壁闕而居巢庫陋如故乃聞有靡錢鉅萬而成城四十餘丈者陛下安取此

隆興九年正月修廬州城

食貨志 紹熙五年蠲廬州旱傷百姓貸稻種二萬三千一百

地理志 廬州望保信軍節度大觀二年升爲望舊領淮南西路兵馬幹轄建炎二年兼本路安撫使紹興初寄治巢縣乾道二年置司於和州五年復舊崇寧戶八萬三千五十六口一十七萬八千三百五十九貢紗絹蠟石斛縣三合厓上舒城下梁中本慎慎縣紹興三十二年避孝宗諱改今名無爲軍同下州太平興國三年以廬州巢縣無爲鎮建爲軍以巢廬江二縣來屬建炎二年入于金尋復景定三年升巢縣爲鎮巢軍崇寧戶六萬一百三十八口一十一萬二千一百九十九貢絹縣三無爲望熙寧三年析巢廬江二縣地置縣巢

望至道二年移治郭下紹興五年廢六年復十一年隸廬州
十二年復來馬景定三年升軍屬沿江制置使司廬江望有
崑山礬場

宋史食貨志鹽其在淮南曰楚州鹽城監通州豐利監泰州
海陵監如阜倉小海場各給本州及淮南之廬和舒蘄黃州
無爲軍江南兩浙荆湖等處

食貨志宋權茶之制擇要會之地爲權貨務六其一曰無爲
軍茶貨任淮南則蘄黃廬舒光壽六州官自爲場置吏總謂
之山場者十三六州採茶之民皆隸焉謂之園戶歲課作輸
租餘則官悉市之其售於官者皆先售錢而後入茶謂之本
錢又民歲輸稅願折茶者謂之折稅茶總爲歲課八百六十

五萬餘斤其出幣皆就本場夢溪筆談廬州王同場買茶二十九萬七千三百二十八斤賣錢一萬四千三百五十七貫六百四十二

食貨志無爲軍白礬設官典領有鑠戶鑿造入官市每斤六十錢天聖以來置務礬礬後聽自礬官至場售之私售礬禁如私售茶法皇祐中無爲軍礬售緡錢三萬三千一百治平中無爲軍礬錢歲有常課發運使領之元豐六年無爲軍礬歲課一百五十萬斤用本錢萬八千緡

湯邦彥傳淳熙二年九月湯邦彥請分揚廬州荆南襄陽府金州興元府興州爲七路每路文臣一人充安撫使以治民武臣一人充都總管以治兵三載視其成以議誅賞從之

王希呂傳淳熙二年知廬州兼安撫使修葺城守安集流散
兵民賴之

宇文紹節傳知廬州時侂冑方議用兵紹節至郡議修築古
城創造砦柵專爲固圉計

金史僕散揆傳明昌六年十一月揆總大軍南伐進奪潁口
下安豐軍遂攻合肥

章宗本紀泰和六年冬十月平章政事僕散揆督兵伐宋王
辰次廬江宋邱密遣劉祐來乞和

宋史寧宗本紀開禧二年五月詔伐金副都統郭倬主管馬
軍行司公李汝翼會兵攻宿州收績癸卯郭倬還至斬縣金
人追而圍之

開禧二年十一月戊子金人犯廬州田琳拒退之癸巳以金人犯淮告于天地宗廟社稷丙申金人去廬州

嘉定二年江淮制置使言汝廬濠三州忠義軍歸農

嘉定十七年夏四月詔廬州賑糶饑民

理宗本紀紹定三年李全叛淮東官兵王青力戰死之贈右武大夫蘄州防禦使

嘉熙三年淮西敢勇將官旺李威特與官三轉同出戰二百人官兩轉以賞廬州磨店北之功其陣沒者優與撫恤

度宗本紀咸淳元年八月元帥阿朮帥大軍至廬州及安慶諸路統制范勝統領張林等逆戰沒於陣 鎮巢軍和州太平州諸將查文李文用孟浩等十一人以射湖萬歲岡後

港及巢湖北岸戰功成賜爵 十一月以夏貴爲淮西制置使兼知廬州

瀛國公本紀德祐元年七月以夏貴知揚州朱渙知廬州十月朱煥至廬州貴不納

元史郝都傳中統三年秋七月領蒙古漢軍略淮南廬州苦徹拔都兒傳至元二年由安慶入廬州聞宋兵至亟設伏於竹林擊殺之

塔出傳至元十一年以塔出爲鎮國上將軍帥師攻安豐廬壽等州俘生口數萬

伯顏傳至元十二年二月攻太平州丁卯知州孟之縉及知無爲軍劉權知鎮巢軍曹明俱以城降

忙兀台傳至元十二年忙兀台諭斯黃安慶池州諸軍皆下
之次丁家洲奪孫虎臣所乘巨舟與宋降將范文虎以兵五
百諭降和州及無爲鎮巢二軍

玉哇失傳從丞相伯顏平宋賜巢縣二千五十二戶

昂吉兒傳鎮巢軍降阿速軍戍之人不堪其橫都統洪福盡
殺戍者以叛昂吉兒攻拔其城擒福宋丞相文天祥復起兵
海道舒民張德興應之襲破興國德安諸郡還據司空山詔
昂吉兒攻之一戰而定殺張德興執其三子以獻

元史世祖本紀至元十三年勅淮西廬州置總管萬戶府以
中書右丞河南等路宣慰使合刺合孫襄陽管軍萬戶郎淡
竝行府事

兵志世祖至元十五年分揚州行省兵於隆興府初置行省分兵諸路四月詔以伯顏阿朮所調河南新僉軍三千人還守廬州

阿荅赤傳阿朮之平江南也阿荅赤皆在行中著戰功歿於陣帝憐之特賜鎮巢之民千五百三十九戶命其子伯若兒襲職

解誠傳善水戰從攻宋焦湖之戰獲戰艦三百艘宋遣將率舟師來援誠據舟厲聲呵之援兵不敢動急移舟抵岸乘勢追殺之奪其軍餉三百餘斛

元史食貨志江南戶鈔至元二十二年分撥廬州等處三千四百九戶計鈔一百三十六錠

兵志天下州縣所設獵戶宣徽院管轄淮西淮東屯田打捕
總管府司屬打捕衙門提舉司十處鎮巢提舉司二千五百
四十戶

世祖至元二十二年詔改江淮江西元師招討司爲上中下
三萬戶府蒙古從人新附諸軍相叅作三十七翼上萬戶宿
州蘄縣真定沂鄆益都高郵沿海七翼中萬戶棗陽十字路
邳州鄆州杭州懷州孟州真州八翼下萬戶常州鎮江潁州
廬州亳州安慶江陰水軍益都新軍湖州淮安壽春揚州秦
州弩手保甲處州上都新軍黃州安登松江鎮江水軍建康
二十二翼翼設達魯花赤萬戶副萬戶各一人以隸所在行

院

至元二十八年降無爲和州二路六安軍爲州巢州爲縣入無爲並隸廬州路

咸宗本紀大德元年廬州路無爲州江湖汎溢漂沒廬舍歷陽合肥梁縣及安豐之蒙城霍邱自春及秋不雨竝賑之中書省臣同河南平章孛羅歡等言無爲磬課初歲入爲鈔止一百六錠續增至三千四百錠大率斂富民刻吏俸停竈戶工本以足之亦宜減其數詔遣人覈實

塔海傳任廬州時有飛蝗北來民患之塔海禱於天蝗乃引去亦有墮水死者皆以爲異民乏食開廩減直俾民糴之所活甚夥

也蒲甘卜傳大德六年鎮廬州以私財築室一百二十餘間

以居軍士之貧者臺省以其事閒特命陞其職以金束帶賜之

成宗本紀大德八年罷廬州路權茶提舉司

泰定帝本紀三年五月廬州鬱林州及洪澤屯田早免其租
六月廬州德安梧州中慶諸路屬縣水旱竝蠲其租

文宗本紀天歷二年十一月廬州旱饑發粟五千石賑之

至順元年二月揚州安豐廬州等路饑以兩淮鹽課鈔五萬錠糧五萬石賑之
三月安慶安豐蘄黃廬五路饑以淮西廉訪司贖罰鈔賑之

順帝本紀元統元年封撒敦爲榮王食邑廬州

至元元年撥廬州饒州牧地一百頃賜宣讓王帖木兒不花

至元二年以集慶廬州饒州禿禿哈民戶賜伯顏仍於句容縣設長官所領之

至元十二年立淮南江北等處行中書省治揚州轄揚州高郵淮安滁州和州廬州安豐交慶蘄州黃州

至正五年六月廬州張順興出米五百餘石賑饑詔旌其門陳思謙傳至正十一年廬州盜起思謙亟命廬州路總管杭州不花領弓兵捕之而賊已不可撲滅矣言於宣讓王帖木不花曰承平日久民不知兵王以帝室之胄鎮撫淮甸豈得坐視思謙願與王戮力殄滅且王府屬怯薛人等數亦不少必有能摧鋒陷陣者惟王圖之王曰此吾責也但鞍馬器械未備何能禦敵思謙括官民馬置兵甲不日而集分道竝進

遂擒渠賊廬州平

余闕傳至正十三年守安慶廣西猫軍五萬從元帥阿思蘭沿江以下抵廬州闕移文謂猫軍不當使之窺中國詔阿思蘭還軍

順帝本紀至正二十四年七月大明兵取廬州路

帖木兒不花傳至正十二年廬州境內賊起以所部兵及諸王乞塔歹等分道擊賊擒其渠帥廬州境內皆平帝聞之賜金帶銀鈔以賞其功

元史地理志廬州路上唐改廬江郡又仍爲廬州宋爲淮西路元至元十三年設淮西總管府明年於本路立總管府隸淮西道二十八年以六安軍爲縣來屬後升六安縣爲州戶

三萬一千七百四十六口二十二萬九千四百五十七領司
一縣三州三縣三合肥上倚郭梁縣中舒城中州三無爲州
中唐初隸光州宋始以城口鎮置無爲軍思與天下安於無
事取無爲而治之意以名之元至元十四年升爲路二十八
年降爲州罷鎮巢州爲縣以屬焉領三縣無爲上倚郭廬江
中巢縣下

明史太祖本紀至正十五年五月太祖謀渡江無舟會巢湖
帥廖永安俞通海以水軍千艘來附太祖大喜往撫其眾而
元中丞蠻子海牙扼銅城關馬場河諸隘巢湖舟師不得出
忽大雨太祖喜曰天助我也遂乘水漲從小港縱舟還因擊
海牙於裕溪口大敗之

廖永安傳太祖初起永安兄弟偕俞通海等以舟師自巢湖來歸太祖親往收其軍遂以舟師攻元中丞蠻子海牙於馬場河元人駕樓船不利進退而永安輩操舟若飛再戰再破元兵始定渡江策

俞通海傳元末盜起汝潁俞廷玉父子與趙普勝廖永安等結寨巢湖有水軍千艘數爲廬州左君弼所窘遣通海問道歸太祖

張德勝傳德勝合肥人與俞通海等以舟師自巢來歸破蠻子海牙水寨引兵自無爲趨浮山友諒犯龍江德勝總舟師迎戰至采石大戰沒於陣養子興祖巢人從援安豐大敗張士誠兵從平武昌遂克廬州

花雲傳陳友諒陷無爲州執知州董會會抗罵不屈沈之江
明太祖本紀洪武二年正月詔免無爲州今年租稅

洪武四年八月免中都淮揚及秦滁無爲州田租

兵志太祖都金陵令應天太平鎮江廬州鳳陽揚州六府滁
和二州民牧馬洪武六年設太僕寺於滁州統於兵部後增
滁陽五牧監四十八羣已爲四十監旋罷惟存天長大興舒
城三監

兵志洪武十三年添設廬州衛

陳植傳建文二年燕兵臨江植慷慨誓師部將殺之以降燕
王誅部將具棺殮葬植白石山上

成祖本紀永樂四年五月丁酉賑廬州饑

永樂十二年定南方養馬例鳳廬揚滁和五丁一匹應天太
鎮十丁一匹

食貨志洪武時兩淮設都轉運鹽使歲辦大引鹽三十五萬
二千餘引宏治時改辦小引鹽倍之萬歷時同鹽行直隸之
應天寧國太平揚州鳳陽廬州安慶池州淮安九府滁和二
州

世宗本紀嘉靖四年五月賜廬州知府龍誥官職詔天下倣
誥備荒賑濟法

嘉靖十年二月甲戌免廬鳳淮揚被災秋糧

嘉靖三十五年夏四月甲辰倭寇無爲州同知齊恩戰死

忠義傳舒城教諭孫士美崇禎八年春賊來犯縣令以公事

出士美代之守七十餘日城以全

張獻忠傳崇禎八年張獻忠圍廬州舒城俱不下攻桐城陷廬江屠巢無爲潛山太湖宿松諸城應天巡撫張國維禦之獻忠從英霍遁

盧謙傳崇禎八年二月流賊犯廬江士民具財帛求免賊僞許之俄襲陷其城是年賊陷巢縣知縣嚴覺被執不屈一門盡死

李自成傳崇禎九年春高迎祥李自成攻廬州不拔

史可法傳崇禎十年正月賊爲廬鳳軍所扼回桐城掠四境可法與潘可大勦捕賊走廬江七月擢可法右僉都御史巡撫安慶廬州太平池州四府冬部將汪雲鳳敗賊潛山京軍

復連破老回回舒城廬江賊遁入山

張獻忠傳崇禎十四年秋八月獻忠與革方二賀合攻陷舒城掠民益軍陷廬州知府鄭履祥死之陷無爲廬江習水師於巢湖大監盧九德以總兵官黃得功劉良佐之兵戰於夾山敗績江南大震

趙興基傳興基雲南太和人崇禎初以鄉舉通判廬州十五年張獻忠爲左良玉所敗走與諸部合遂以三月攻舒城踰月城陷改爲得勝州據之遣其黨分掠旁邑游騎日抵廬州城下興基與知府鄭履祥經歷鄭元綬合肥知縣潘登貴指揮同知趙之璞呈居叅政程楷分門守監司蔡如蘅貪戾民不附賊謀滿城中不能知五月提學御史徐之垣以試士至

獻忠造其徒爲諸生襲儒冠以入夜半舉礮城中大擾之垣如薜及履祥登貴竝縋城走興基時守水西門聞變挺刃下戍樓與鬪斬數人被劓死元綬楷共守南薰門元綬力鬪死楷不屈死之璞守東門巷戰死賊乘勢連陷含山巢縣廬江及無爲六安廬州城池高深八年春賊萬方攻知府吳大朴堅守不下後屢犯不得志至是以所得之履祥登貴懼罪委之興基總督史可法察其寃以聞乃治守令罪而贈興基河南僉事楷光祿卿元綬亦贈卹

地理志廬州元廬州路屬河南江北行省太祖甲辰年七月爲府置江淮中書行省於此尋罷領州二縣六距南京五百十里洪武二十六年編戶四萬八千七百二十口三十六萬

七千二百宏治四年戶三萬六千五百四十八口四十八萬
六千五百四十九萬歷六年戶四萬七千三百七十三口六
十二萬二千六百九十八合肥倚郭西有雞鳴山隴水所出
東南流入巢湖西南有紫蓬山東有浮槎山橫山又東南有
四頂山俯瞰巢湖周四百餘里中有姥山孤山又東北有
滁水源出龍潭下流至六合縣入江又東有店埠河南有三
汊河皆入巢湖東北有梁縣洪武初省西南有廬鎮關巡檢
司後徙於縣東之石梁鎮舒城府西南西南有龍眠山與桐
城縣界西有三角山又巢湖在東又南有芒陵關亦與桐城
界廬江縣府南元屬無爲州洪武初改爲府東北有冶父山
東有巢湖東南有黃波湖西有冷水關有巡檢司無爲州洪

武中以州治無爲縣省入大江在東南東有瀟須水一名天河白巢湖分流東北入江又東有奧龍河鎮東南有泥汊河鎮土橋河鎮北有黃雒河鎮四鎮巡檢司西北距府二百八十里領縣一巢州北東南有七寶山與含山縣瀟須山相對峙有西關在其上巢湖在西西北有柘阜河流入焉南有石梁河卽瀟須上流也東南有青溪入焉西南有焦湖巡檢司

祥異

周匡王元年六月辛丑朔日有食之董仲舒劉向以爲楚滅舒蓼之兆

簡王十二年十二月丁巳朔日有食之董仲舒劉向以爲楚滅舒庸之兆

靈王二十三年八月癸巳朔日有食之董仲舒以爲楚滅舒鳩之兆

漢文帝四年六月大雨雪後三歲淮南王長謀反廢徙蜀

武帝建元元年有星孛於北方劉向以爲淮南王謀叛之兆元光元年七月癸未先晦一日日食劉向以爲淮南衡山合

謀之兆

元狩元年十二月大雨雪民多凍死是歲淮南衡山王謀反
事覺

元封五年廬江獲龜二十枚長尺有二寸輪太卜官

永光五年夏及秋大雨水壞廬江民舍

後漢明帝永平六年二月王雒山獲寶鼎太守獻之詔納太
廟

十一年灑湖出黃金廬江太守以獻

安帝永初七年廬江大饑調零陵桂陽租賑之

順帝永和二年八月熒惑犯南斗斗爲吳明年江賊蔡伯流
等攻九江旋平

四年四月熒惑入南斗斗爲揚州熒惑犯之爲兵

六年九江丹陽賊周生馬勉等起兵攻沒郡縣

桓帝元嘉元年九江廬江大疫

獻帝建安二十二年居巢大疫

蜀漢後主延熙十五年十二月吳地大風震電是歲魏軍三道攻吳諸葛恪破其東興軍二軍亦退明年恪攻新城喪
輟大半

二十二年新城疫死者大半

晉武帝太康十年十二月癸卯廬江雷大雨

元帝建武三年八月水連理生汝陰

大興二年五月淮南廬江諸郡蝗食秋麥

四年廬江縣民何旭家忽問地中有犬子聲掘之得二母

犬青蒼色狀甚羸走入草中不知所在視其處有二犬子

一雄一雌

成帝咸和八年四月甘露降襄安縣蔣冑家

穆帝永和元年三月甘露降廬江郡內桃李樹太守路永以

聞

安帝義熙元年八月月犯斗第一星

按江左來南斗有災則吳越廬江諸郡各隨其

星應之

宋文帝元嘉十二年六月淮南等五郡大水

十七年五月白鹿見汝陰朱縣太守文道思以獻

二十年二月大流星出紫宮入北斗魁又一出貫索中經

天帝垣後魏人殘破南豫等六州民死大半 八月木連

理生汝陰豫州刺史劉遵考以聞白鹿見譙郡蕲縣太守
鄧琬以獻

二十七年六月丙午白鹿見南汝陰豫州刺史南平王鐸
以獻

孝武帝大明七年五月辛未白雀見汝陰豫州刺史垣護之
以獻

梁武帝天監十二年合肥大水

北魏世宗熙平四年二月揚州上言汝陰縣木連理

梁武帝普通四年廬江大水

北魏世宗正光四年二月揚州上言汝陽縣木連理

唐高祖武德二年九月合州上言慶雲見

太宗貞觀十二年九月廬州獻野繭

十五年五月癸未廬州獻白鹿

十七年合肥舒城大疫次年疫

武后垂拱三年巢縣產嘉禾廬州刺史裴靖以聞禾產唐海
田中一本六穗符載作表上之

元宗天寶十四年廬江郡人王恭家有李樹連理結紫實

代宗永泰八年六月庚辰廬州上言廬江縣紫芝草生一根
兩莖一丈五尺又合肥棠梨樹上烏鵲同巢

九年七月丁酉廬州獲白鼠二舒州獲白雀竝獻之

文宗太和七年秋廬州大水害稼

昭宗天祐間廬州大火往往有持火夜行者或射之什皆樹

版腐木及敗帚之類數月乃止

宋太祖建隆五年廬壽諸州大水

真宗景德三年五月無爲軍甘露降

四年廬宿泗等州麥自生

大中祥符二年八月有青蛇出無爲軍廨長數丈十六日大風雨拔林木壞城門營壘民舍壓死千餘人九月復然晝晦不可辨遣內侍張景宣馳驛郵視免次年租稅之半

五年舒城大饑無爲軍甘露降於桐冬無麥苗

九年廬州產芝二本知縣余獻卿表上之 四月瑞氣覆

巢湖郡守霜圖以獻

天禧元年五月甘露降廬州通判廳及后土祠

仁宗天聖九年六月廬州獲白兔

皇祐元年廬州合胞縣稻再實

三年無爲軍軍土岡產芝三百五十木守臣茹孝標獻於
朝賜名紫芝山

嘉祐四年九月廬州獲白兔

神宗熙寧四年九月廬州獲白兔

元豐元年梁縣嘉禾生

八年小山復產紫芝一本百莖是歲州人焦蹈狀元及第
高宗紹興五年大旱廬和濠楚州爲甚

孝宗隆興二年廬州無爲軍大水城市舟行者累日

三年六月廬舒蘄州水壞苗稼漂人畜

十一年無爲軍六月不雨至於秋九月

十五年淮甸大雨水淮水溢廬濠楚州無爲軍皆漂廬舍
田稼廬州城圯

十七年無爲軍民大饑

十八年無爲軍大旱

光宗紹熙五年無麥苗行都淮浙西東江東郡國皆饑常明
州寧國鎮江府廬滁和州爲甚

理宗淳祐十年合肥廬江旱

元世祖至元二十七年正月無爲路大水

成宗元貞二年廬州旱

大德元年無爲州江湖溢

武宗至大元年蝗民大饑無爲尤甚

二年舒城合肥蝗

三年五月合肥舒城蝗

仁宗皇慶五年四月廬州合縣大雨水

英宗至治二年八月舒城饑

三年無爲大水

泰定帝三年五月廬州屯田旱

八月無爲大水

是年免廬州路田租

粟賑無爲州

九月廬州路蝗

十二月廬州路蝗

四年五月廬州路屬縣旱蝗

文宗天歷二年二月廬州路合肥縣地震

四月廬州無爲

州蝗 七月廬州郡蝗

三年正月揚廬安豐等郡饑

至順元年饑

三年無爲州大水

至元年廬州地震

至正十二年合卺甘露降栢樹次年降於松

明太祖洪武三十二年四月舒城秦鳳家產雞雛長頸方背

高足毛羽五采遍身如丹砂一時傳以爲鳳

成祖永樂二年無爲大水平地丈餘

英宗正統五年舒城饑餓草載道戶部主事鄒來學出粟賑

濟

景帝景泰六年舒城大饑人相食

英宗天順六年合肥舒城蝗

十七年二月甲寅廬州地震

憲宗成化二年三年巢縣大饑

孝宗宏治元年治父山古樹俗名木馬筋者忽枯至七年春
枝葉復生視昔益茂近五行志所謂青祥者

三年八月民間訛言兵變男婦奔走沈溺相失者不可數
計三五日始定

四年廬江大旱饑

五年二月甘露降合肥縣學柏樹巢縣學桂樹華

六年九月大雪至次年三月乃止積深丈餘中有五寸如
皿山畜枕藉而死各縣多相同是歲廬江天井山龍池水

沸涌出破船

十七年淮揚廬鳳洊饑人相食且發瘞瘠以繼之

武宗正德三年廬鳳淮揚四府饑 五月廬江大雨水溢

五年五月大雨水舒城無爲民田廬舍多沒

七年二月大雪色微紅雨豆茶黑褐三色星隕舒城棗林

岡赤光燭天未幾有流寇之警

八年舒城雨雹大如鷲卵或如升禾稼盡傷 十二月河

冰厚二三寸人馬俱行其上

九年廬鳳淮揚旱

十三年蘇松廬鳳淮揚六府饑

十四年夏甘露降舒城學泮池棠梨樹

世宗嘉靖元年廬鳳淮揚四府同日大風雨雹河水汎漲溺
死人畜無算

二年夏旱秋淫雨無爲舒城巢縣並饑斗米千錢朝命戶
部侍郎席書會同撫按賑濟

三年春大疫巢縣死者枕藉廬江饑 秋舒城大熟

四年合肥麥自生七月大風折木壞禾稼

五年六月廬江旱立冬雷電雨雹

六年十一月舒城大雪至次年正月初一日尤甚平地深
數尺淡月始霽

七年秋合肥舒城蝗

八年真定廬鳳淮揚五府饑廬江地震有聲如雷舒城石

自徙大二丈許有童子見而訝之曰石行乃止

九年合肥蝗

十年舒城大水禾苗淹沒

十三年旱饑廬江蝗

十四年旱饑廬江蝗 十二月巢縣雷電大雪無爲蝗

十六年三月巢縣地震 五月舒城蝗

十七年夏四月巢縣雪雹秧麥壞舒城大旱自正月至七月不雨升米百錢民多餓死邑令林材設廠賑粥存活萬人

十八年廬江旱江湖涌沒湖田舒城大疫死者枕藉于道

十二月巢縣大雪木冰

十九年夏舒城巢縣蝗 十二月廬江雨木冰林木大折
二十年舒城歲豐斗米錢二十文

二十三年合肥無爲廬江巢縣俱旱巢地忽產鳧茨民賴
之 十二月舒城冰介著樹皆成花草繼以雪雷電交作
二十四年春舒城鷓子岡土人夢黃衣老嫗與語詰朝鋤
地獲黃金上有文其後人多無意獲之數月始盡

二十五年合肥大雨七月至九月河湖溢

二十七年舒城諸生夏世熙家產五色芝一本 十二月
巢縣大雷雨

二十八年舒城大水橋梁皆隳禾苗淹沒廬江饑

二十九年二月癸卯巢縣地震舒城大有年

三十一年廬江大旱湖水俱涸

三十三年合肥旱

三十四年六月柘皋出蛟平地水深丈餘漂溺甚眾 七月

甘露降舒城張鎔家儿上三日 八月鮑仇家產紫芝

十二月巢縣地震合肥樹木著冰皆成花草之狀既而

大雪雷電交作

三十六年正月巢縣雷電大雨 三月舒城諸生潘流光

墓側產紫芝

三十九年七月廬江巢縣無爲大水

四十年閏五月合肥舒城廬江無爲大水壞民居

四十三年甘露降合肥學栢樹舒城旱 九月巢縣地震

有聲

四十五年舒城蝗旱禾稼盡枯 十二月大風雪巢縣湖

冰堅舒城雪竟月高數尺

四十八年舒城旱葦屋見於東方長竟天

穆宗隆慶二年正月巢縣訛言朝廷選民間女數日婚嫁殆

盡 七月舒城大水

神宗萬曆元年五月舒城雨雹

四年舒城訓導解中產瑞蓮

五年舒城天鼓鳴聲如雷

六年十一月舒城大雪至次年平地深數尺

七年十月巢縣雷

八年無爲巢縣水

十三年二月丁未廬州地震

十四年無爲巢縣大水

十五年無爲水

十六年元日巢縣學桂樹華

十七年郡屬大旱饑升米百錢人相食

十八年春疫巢縣旱

十九年十一月巢縣大雷

二十年舒城大熟斗米錢二十文

二十二年廬州大水

二十七年秋無爲水

二十八年舒城水無爲大水

三十五年無爲廬江地震

三十六年春夏淫雨漂麥江水暴漲廬江無爲所在漂沒
六月水入巢縣城魚甚多圩民賴以爲食

三十九年無爲州有星隕於地化爲石

四十一年無爲巢縣大水圩田無不沒者

四十三年十一月十一日無爲州青天有白氣自東南至
北斗垣忽爲雷聲不見

四十四年八月飛蝗自北來合肥廬江無爲巢縣食稻過
半

四十五年合肥無爲廬江舒城蝗

四十八年舒城旱 十一月舒城無爲巢縣大雪至次年
二月始霽雪上多黑點如烟煤散落山陰處積至丈餘人
以爲黑雪云

熹宗天啟元年無爲大雷舒城大雪自冬歷春深踰丈窮民
餓死者甚眾正月廬江雨黑雪如墨

二年八月無爲地震蝗

三年舒城大水

四年正月十三日巢縣東門屋二十餘間陷入地器用材
木俱沒土中是年無爲巢縣水

五年夏無爲災或入斗秋杪出

六年合肥廬江大旱巢縣地震

莊烈帝崇禎元年無爲水大風拔木

二年舒城大水

四年七月十七日無爲地震

五年巢湖水清兩月是年旱

七年四月巢縣西鄉地裂長二十餘丈久之得雨而合

五月初旬日移午有大星見中天其光甚明星之東全月並見皆相去不十丈蓋太白晝見陰甚陽微之徵秋廬江

孕婦生子雙頭四手四足次年寇至城陷

八年舒城旱 七月黑青見巢縣 十月柘皋田中出而

九年春巢縣龜山文筆峰下及小金山產紫芝數十木

冬無爲州癸或入南斗勾己三次

十一年舒城洪水巷井有聲

十二年舒城巢縣旱蝗無爲遍地皆蝻人不得行

十三年舒城合肥旱蝗無爲大水

十四年大疫郡屬旱蝗羣鼠銜尾渡江而北至無爲數日
焚

十五年五月無爲西南有青紅白氣沖天數日有烏鴉千
百繞城悲號初九日流賊破州城焚戮最慘

十六年正月十八日夜無爲白虹見西南 夏大水 冬
地震五夜如風濤人馬之聲宿鳥俱起

十七年夏秋巢縣大旱無爲旱

國朝順治元年合肥稔

二年秋舒城大熱

三年合肥稔

四年無爲大水

五年無爲大風壞屋拔木

六年正月六日無爲城門火 二月巢縣大風吹城堞傾
倒數十丈大木俱拔

七年十月朔日蝕無爲晝晦星見

九年無爲廬江大旱二月舒城三月巢縣地震是月大風
吹一童子入雲中時大雨水深數尺衣履不濕良久下

十年正月廬江地震有聲 三月二十三日微雨有龍首
尾俱見 四月星隕黃泥岡化爲石大如斗夏大旱 冬

天鼓鳴大雪鳥獸多死合肥大饑

十一年正月朔舒城廬江地震五日廬江又震又鳳石山產芝數百本

十三年正月巢縣西門西聖宮有刻木龍舟龍口出涎並生鬚髯長寸餘

十五年舒城大水

十六年六月舒城大水

康熙元年合肥稔

二年合肥饑 秋九月初二日無爲江壩破城中水深丈餘

五年舒城地震

廬州府志卷四十一
六年合肥無爲巢縣蝗

七年夏無爲地震有聲合肥廬江舒城巢縣俱地震

九年舒城無爲巢縣大水

十年廬江慶雲見巢縣蝗無爲舒城大旱饑

十一年秋合肥大熟先有蝗食麥撫院靳移文城隍神曉之是歲春舒城大饑巢縣蠶生食麥及秧苗

十二年虎渡郡城北濠爲居民所築

十六年五月初四日巢縣雨雹

十七年正月二十五日巢縣雷

十八年無爲合肥廬江巢縣大旱饑舒城旱

二十年合肥稔

二十二年十二月初九日巢縣雷

二十三年十二月十八日無爲州巢縣天鼓鳴

二十四年正月十七日巢縣雷

二十六年無爲大疫 四月二十日巢縣雨雹 十二月

初一日夜地震

二十九年無爲舒城巢縣大旱 冬奇寒河冰數尺竹木

凍死廬江大旱獨賑

三十年十二月十六日巢縣大雷

三十一年無爲巢縣旱

三十二年正月合卮三河鎮民家產麒麟無爲廬江巢縣

旱自二月十六日至二十日大風飛沙 六月二十六日

五色雲見

三十三年正月十一日巢縣雷 二月初八日地震 三
月大學士李天馥廬墓白燕來巢 十二月巢縣雷
三十四年正月十五日巢縣地震 五月巢縣大水
三十五年正月二十一日巢縣地動 十一月二十
七日巢縣雷

三十六年二月初三日地又震巢縣湖水
清

三十七年正月十六日巢縣雷電是歲合肥稔

三十八年六月二十五日舒城大水漂沒民舍合肥稔

三十九年正月十四日巢縣雷 冬無爲舒城大雪深五

尺許

四十年十二月十四日巢湖南雨豆味苦合肥稔

四十一年無爲大水合肥稔

四十二年合肥稔

四十四年巢縣麥秀兩歧

四十五年正月二十二日巢縣大雷 三月初一日九月

初四日無爲巢縣天鼓鳴

四十六年十月巢縣無爲州河水鬪

四十七年無爲廬江巢縣大水 冬疫

四十八年春無爲游饑居民採草根樹皮以爲食大疫

四十九年無爲舒城巢縣大水

五十年郡屬旱蝗正月十六日巢縣雷

五十一年十一月二十六日地動合肥旱

五十二年大水六月十一日無爲州民張美成妻程氏一
產三男是年合肥稔

五十三年合肥廬江舒城旱蝗無爲巢縣旱

五十四年六月無爲甘露降于柳

五十五年正月初六日巢縣雷雨 五月無爲江湖大漲

合肥廬江旱

五十六年無爲州巢縣大有年

五十八年五月合肥洪水入城一日夜始退傾覆民房無
數無爲州大水發蛟圩田多沒廬江大水壞民居舟行城

市

五十九年無爲大稔

六十一年無爲旱

雍正元年無爲巢縣大旱蝗合肥稔

二年三月二十八日舒城蝗蝻遍野溝壑皆平十數日盡去
十二月十六日巢縣雷

三年七月巢縣大水

四年五月無爲雨彌月不止圩田多沒 八月積雨江壩
破漂沒田廬舒城大風拔木雪雹大如雞卵 十月初五
日大雷電巢縣貢生唐廷祿田稻皆兩穗

五年廬江舒城水無爲大雨圩田盡破饑民食草根樹皮

殆盡巢縣水湖多產菱民採以爲食合肥稔

六年夏無爲巢縣疫秋大稔

九年舒城象山孝子賈又彪墓田出稻較常粒四倍邑令
付先農壇佃作種以供粢盛合肥龔紹衣妻陳氏一產三
男

十年廬江大有年 秋舒城水

十一年無爲旱

十二年三月無爲大雨雹 冬旱

十三年合肥南二里高拔圩麥穗兩歧 十二月無爲州
虎至北郊數日斃之

乾隆元年冬無爲州大雪巢縣大水巢縣楊吳氏壽屆百

齡

二年正月初六日無爲西鄉民汪富生妻焦氏一產三男
合胞舒城廬江巢縣水

三年合胞廬江無爲旱

四年合胞廬江無爲旱

五年無爲蝗六月初八日文學魏海元子婦一產三男

六年春無爲水

七年無爲江潮大漲民多疫

八年春無爲大雪二月二十八日雨豆於州境 秋水

九年舒城潘劉氏壽百齡

十年合胞水

廬州府志卷四十一
三十一
十四年合胞水

十八年合胞徐浩然妻一產三男

二十年合胞廬江無爲巢縣水

二十二年無爲水

二十三年合胞水

二十四年合胞水

二十九年無爲廬江巢縣水

三十一年無爲廬江巢縣水

三十三年合胞旱

三十四年合胞廬江無爲巢縣水

三十九年合胞旱

四十年合胞廬江巢縣旱

四十五年無爲許迨氏壽百齡

四十九年合胞方直五世一堂廬江何應魁五世一堂廬

江王汪氏壽逾百齡

五十年郡屬俱大旱道殣相望

五十一年合胞廬江無爲巢縣水

五十三年無爲廬江巢縣水

五十八年無爲水合胞劉均若壽百齡

五十九年合胞孫

嘉慶元年無爲程允文五世一堂親見七代

二年合胞旱

三年廬江監生盧之時五世一堂親見七代

五年無爲職員薛宗倫五世一堂親見七代

六年廬江洪介文壽逾百齡合胞監生蔡玉禾五世一堂

親見七代